

溫州府 國子監



溫州府 圖 印 記



安般窹集目錄

詩續庚

集句

爰居

春城

上元立春日

早衙

見禮官牒預傳正月二十六日  
太和殿筵讌

荅和子培

漳浦黃忠端公斷碑研歌



梁屯田挽詩

二月廿九日尊客齋中宴集伯義祭酒出睢陽五老  
圖共展觀之以聞多素心人樂與數晨夕分韻作詩  
記歲月予得素字

題天台王水部彥威之母夫人秋鐙課詩圖

荅松岑問近狀

遲菴公生日

王翰林按集古今甄研文得數巨冊屬題

相國張公八十壽讌詩

哭施均甫



木槿枯死

漫語

慰鄭蘇龕落第

張季直將南歸

今晨追送不及悵然作詩

從弟北來談里中事

砭五龍甘卧法

鼎父山長自嶺南遺子一硯卻寄

戲簡法雲上人

大雨後



寓廬爲積雨所穿損短述

與升吉甫劇棋

簡尊老

陪納言黃丈生日宴集紫藤精舍奉贈一首

讀法言一首

奉題山陽丁儉卿先生小照

禁夜

尊老枉訪值予未歸次日戲呈

寒夜獨謠

偶然作



陸賈

右軍

夜聽十一從弟談鄉事

傷逝一首

爲宗室竹坡侍郎作

答雲門

向子培借陳茂碑搨本一觀

王可莊出守京口

太室二首

夢還富春山中作覺而足成之

再和雲門



冬夕

東林

題長沙瞿封翁自濟圖

圖中自寫少壯老三身共操一舟野逸之態可掬子久學

士之大父也邵子詩也能康濟自家身封翁命圖殆取此意

又題瞿太母湯夫人分燈課讀圖

西郊賞雪

晚攜酒過薛十八齋中飲

奉上榆園三兄江上幽居

過都虞司懷洪北江先生

省夜

讀朱子行視武夷精舍詩有感



侍御李愛伯先生同年樊雲門令君連枉佳章齊混  
沌於蛾眉驂跛足於綠耳賤性繆迂素畏標楊獎借  
非分祇增顏汗篇中之意焉敢遽荷顧雅命不可以  
虛辱也勉竭蕪鈍仰答至言聊以拾礫竊埒後塵云  
爾

鑑園有小水流入十刹海隆冬不涸不冰亦異境也  
過而樂之



飲

文

德

不

為

運



安般籙集

詩續庚

芳郭鈍窠

集句

庚寅

凡

清玉刻佩聯玦環

韓

藥窻誰伴醉開顏

韓

古人冷淡今人

笑

谷

九日馳驅一日閒

韋

自是秦樓壓鄭谷

杜

誰念幽桂

遺深菅

韓

平生性癖耽佳句

杜

歸及春風斬釣竿

坡

爰居

爰居真託避風鄉  
截鶴憐鳧孰短長  
用事軍中非葛亮  
爲

工柱下有東方無端造化小兒困何處  
波羅提木參一刹

那閒心土淨侯封蟻穴兩俱忘





春城

春城無處不喧闐  
 夾轂流蘇被錦韉  
 游女傾城蹋芳草  
 豪家編埒賽金泉  
 花明紫陌迎人灩  
 柳拂黃臺照水妍  
 獨有子雲牢落甚  
 晴窗帙散讀殘篇

上元日立春

舊人難得看新歷  
 何況新春連上元  
 抱牘不曾逢醉尉  
 敲

門且喜做名園

是日四更以吏事入神虎門借小園子內憩坐一老監入十許能言咸豐庚申秋北

狩灤陽

花搖禁樹離離月  
 竹暗籬門短短垣  
 聽罷白頭宮

日事  
 監語犀毗今已靖  
 諸蕃

早衙



早衙紛紛黍一炊疲牛薄笨畏山陂寮中醒醉從相笑眾  
裏笙竽各自知門臨爆竹驄喧櫺花妥疏簷鵲蹋枝誰信  
枚仙似園令吏餘廚釀一中之

見禮官牒預傳正月二十六日

太和殿筵讌百官朝賀恭賦一首

融融春殿日初長會見夔龍捧御床花雨又逢霑大醜

木星新占守明堂徐觀樂歲豐禾絹獨媿迂材玷省郎更  
讀

受釐深厚詔紫霞杯祝壽无量

荅和子培



詩經房  
入春禪病兼詩病客慧頑空總未刪忽枉新篇動寥廓久  
晞家行得原顏眼花已廢鈔書課足繭渾無作吏閒只欲  
低頭拜東野逃虛伐翳藉追扳

原作

沈曾植

竹堂不到幾旬餘想見焚香淨漑除禪誦有時還謝  
客眼昏渾不廢鈔書酒闌軟語春還寂物外真游鑑  
共虛問訊偃松新月狀朝來步履更相於

漳浦黃忠端公斷碑研歌

是何一片野雲根黯黹千年化爲碧風節常存時運往大  
星寒芒墮瑤席龍蛇背字出新意

研背有蘇文忠墨  
妙亭詩十餘字

翠蜿



分書題石額坡書自謂棉裹鐵不鉤之鋼見心畫

全鮎兩  
琦語

賢踔厲相映發元祐崇禎天地闢流傳今入椽郎家

石藏  
郎中

覺羅廷  
雍家

再拜寒具毋貽迹浮生閱世真雲煙放眼孤光破

羣籍世言莘老不工書吳興郡將好事客奇鞞墨妙亭中

散壞谷春耕出碎壁樵人往往拾至寶公倘輶車得茲石

忠端公以崇禎三年庚午典浙  
試時年四十六是冬除右中允

從此雷碾玉帶生南北隨

車共晨夕良工滂礪斲山膚詰詘崩雲鏗沈魄雖無石鶴

活雙睛卻供洞璣注三易意者白雲東庫下楷隸孝經高

一尺意者大滌精廬中整齊百家義延積意者辰陽瘴煙

窟反騷頌橘形神釋意者石養丙舍旁講學諸生環請益



意者出師仙霞關四塞四通建奇策搢危仗汝相倚依愉

篆狂行惟所適一朝浩氣馭長空大星欲落湖海白南冠

遂與鼎社陞北望難迴陵谷坼石乎石乎何處避朽屋荒

厓幾艱屺竹垞公孫欣得之風義隔代兼家澤

秀水朱文恪公忠端

座師也竹垞文恪曾孫嘗得此研綴以銘張孝廉乃知神

燕昌金石契以為忠端自銘似止見拓本而誤也

物有精氣後來摩挲如竹帛捧之再拜篋千年不敢輕供

凡手役石研之歌止於此發冢人間小儒嚇

諦觀戲鴻堂樵刻墨妙亭詩每一字環轉處左右界

畫全失張芭堂所樵研搨亦爾此石殘字分行布白

處神采道逸界畫秩然的知為長公手跡也或疑為



非長公書不知蔣燦所書乃公所作墨妙亭記非此  
詩也況詩中有書來乞詩要自寫之語尤爲塙證邪  
光緒庚寅九月昶又記

梁屯田挽詩

梁氏風流工艸隸不翁遺墨到雲孫  
趨曹同困移中役作誅俄傷柳下屯  
眞率猶應矻末俗支離竟爾鍛孤騫  
遇躋不作陶潛賦茵溷都將石火論

二月廿九日尊客齋中宴集伯羲祭酒出睢陽五老  
圖共展觀之以聞多素心人樂與數晨夕分韻作詩  
記歲月予得素字



春物遲暄妍西山菱煙霧幽人三徑開眾妙欣同趣淡言

娛物外簡略忘世故稷下老荀卿羣言得程度東窗透深

明洞然工作圃閒情寄鷓鴣世緣息蛇蚺返宋寶遺真酒

半拓縑素王孫肱所藏伯義為肅親王豪格之裔仕履費箋注越賢懷

正獻精爽歷呵護解龜慶歷中墊巾謝浮譽杜祁公以慶歷七年致仕

退寓南都者十年或勸公作居士服公曰老而謝事尚可竊居士名耶聞者悚然今觀遺像烏帽綈袍革帶皂履正

與史合南都築寒栖勝集招退寓諸老皆蒼顏真樸發深寤

俗醜貴介立時季思巷遇座客各肅然呼僮斥寒具就中

同甲生盛楊沈三君齊年又皆以是日生古心鞭响响風流重躋樊妙墨

列眾嫖圖凡二巨冊洪文惠文敏范致能虞邵菴以下題跋如林棚鶻未登朝行年未



云暮莫放酒杯空童顏且須駐

慶歷中歐陽公蔡君謨余安道三人同為諫官時稱

一棚鵲見王鞏筆記坐有三人將同入臺故借喻

題天台王水部

彥威

之母夫人秋鐙課詩圖

世事百蟲沙憂喜相紛擾涉歷非一途窮厄信大造頗能

齊物觀榮枯任傾倒惟有童時心孤露困兵秭悽惻庭闈

言記憶我稍稍展轉不能忘籲天時自悼今觀王子賢焦

尾抱庭誥有母敦詩禮和平得天菴遺篇三十四一一珠

璣好吹鐙寒青熒中有不黔竈百徧鈔遺經課兒心口到

聽之常踞觚文字戒剽盜我雖未見圖傾淚神先告尺縑

失復還崎嶇天慰勞上有匡廬君益策道原操嗟予何能



詩涉筆心悄悄卻誦止觀經  
懺予螻蟻報槭槭東禪林

王氏

舊居在東禪巷

冥冥西溪隩  
輸君性行篤  
白華行可芼

### 荅松岑問近狀

鍾山木杪子營亭  
枉辱書來楹憶莛  
江總苦空猶滯相  
郭綦枯木已忘形  
欲依眞誥除丹白  
更謝經生眩紫青  
近狀眞成頑似鄙  
遠期鍼石與相礪

### 遲菴公生日

上尊霑渥自層霄  
七葉門風珥漢貂  
雲母隔屏參獨坐  
桃枝仙杖賜中朝  
器周邊瓌如親歷  
紛解微言使眾消  
履屐之間餘事逸  
時於筆札見神超



碧幢記泛浣花船集杜傳鈔百首編貽上風標仍笠屐華  
泉名句出瑇鏘碎金一卷人方寶擲地干聲賦早傳獨有  
經營夷險志低徊難以弱豪宣

王翰林搜集古今甄研文得數巨冊屬題

翛然嗜好殊流俗石墨心摹更手追七客寮中捫玉帶二

王甄背出交螭天池禊會神俱逸海岳風姿像亦奇皆冊中所

有便欲與君箋老去硯材穴石筆松枝秦公緒會稽人嘗山居穴石為研注

老子

相國張公八十壽讌詩

正逢衢舞祝堯年千叟推公冠法筵華蓋方輝



天貺節析津今見地行仙北平侯有元經癖南極星依絳  
闕懸不待還丹成竹節方瞳日譜手親編

飛黃少日籛雲馳得第東堂玉一枝清切石渠頻艸議雍  
容金殿久論思簪豪省闔多陰德弭節嵩陽作吏師題徧  
龍門龕幾壁行轡馴鹿日相隨

千里金隄護轉漕吳童騎竹迓旂旄人欽暗室懸虛鑑吏  
畏新硯出孟勞物癘消還祛水旱天機精亦借林臯莫釐  
洞壑連林屋攝取丹青仗弱豪

粉墨閒情寄作家南皮名掩蔣南沙春淙筆掃支硯瀑淨  
綺囊收甫里霞丹壑屢哦松化石碧城眞摘棗如瓜父兄



僕射吳民誦蕭澹都忘吏檄衙

未持龍節鎮延津再入蘭臺物望新雲母屏開專席貴金

蓮燭迂內官頻儒風儉有青絅帳 湛露恩霑黃日尊佳

兆簡公登百歲石華久輦取刁遵 刁遵碑今在公家遵之

與高文公允以耆德侍中禮遇最渥

昨逢雲錦賦天孫夙兆汾陽吉語頻覽揆司農踰兩日鄭

農以永建四年七月五日生 方聞伯厚早兼旬 王伯厚先生七月二十九日生 木樨香

徹兜羅手金粟花開清淨身 敕賜上樽清且旨飯抄雲

子伴澆春

頻瞻梨棗發顏丹食品 堯廚賜玉杵濟勝卻效靈壽杖



散齋還御進賢冠桓公講憶華光直白傳居依履道寬再

錫奇矜如召伯喬佺定捧藥雙丸

良輔乾隆史文靖與嵇文恭重開瓊讌絕揆躋瑤林赤實綏山

北珠樹青鵠弱水西洛下五更周澤陋建初三老伏恭齋

中天賜勝星雲爛頤性親承御筆題阮文達公晚自稱頤性老人蓋取

御賜壽扁中語後又改署節性老人作召誥節性惟日其邁說以自儆惕蓋進德不懈也

哭施均甫

輓迹金門暫合并決疣幾日讖君行青冥得路看垂上紫

氣深宵忽掩明同輩雞栖為奪氣防秋虎落失知兵榮枯

事往真彈指猶憶陽關送遠征甲戌與君同報罷君西游



猶歷歷  
在目

生死交情張僕射突過仲則遇靈巖

謂朗齋中丞

橫行萬里忽

折軸命直三星難避讒物情似厭困陵暴筆勢誰更窮鑄  
鑱湖海此材坐歎息眞成逝水逐驚帆

孰使新亭收泣者圓機澱澱乃爲卿柳生左肘看俄化碁  
局中心自不平潁上灌夫猶使氣移中病監未忘情道旁  
日長新蒲柳獨遣枯枿不再榮

平生殊趣術相忘張竦陳遵孰短長湖墅對牀連日夜乙丑

丙寅

天山乘障飽風霜窮探流略猶難竟結社應徐半喪

亡惟有屈蟠碑一片賴君洗剔出龍荒

君在阿克蘇得劉平國磨崖石刻



木槿枯死

我爲林下客乃見汝榮枯放竹干霄滂留窻待月疏道心  
無晦朔物態有乘除剗卻空華幻虛堂伐翳初

漫語

力不能勝世故叢竹窻深處得逃空青落黃葉漫階壁著  
个繩床漏盡通

慰鄭蘇龕落第

眾妍氣皆喧靜覲孤鳳奏百翮向明飛清唳失霜候淨榮  
固澹忘席帽厭宿留箭出東洲勁句壓南服秀苦心采者  
誰老籊深谷茂迹滯良亦佳沈觀道機透紬書典藏室朗



咏喜銜袖得喪付蚍蜉鍊骨濯堅瘦褊心多所悟與子如  
夙舊隱朝閱朝菌萬物欣在宥洗洋卒歲資瑩淨卑棲陋

和

鄭孝胥

短翼無高翔拙射終虛殼旁觀騰挪揄孤憤積倏惚  
推擠苦厠足憫默窮束味判償塵土債聊溷車馬驟  
坐曹期卒歲隱几送清晝驚披蘭臺句語妙紛奔湊  
道機元自熟慰藉意良厚六街愁昏霾熱風不可馴  
卻思高齋冷綠陰翳庭雷先生演名理出入莊御寇  
云何挂懷抱感事眉猶皺生平慕齊物得失奪邂逅  
詎能忘牛蟻息此牀下鬪方當愧君語陳義高難遙



栖遲宰相裁免負當時詬

張季直將南歸

從軍風雲氣函雅龔俗恠養空敵世機  
躑步蟲網絳一息  
斂深深涉歷希耿介幽芳披朝華老珀  
遭腐芥木雁命皆  
騎天地悟方隘欲淨蒼溟去一洗青邱  
懣語我田舍樂不  
待干畦薤危趺竹嶼釣晚涼風雨快扁舟  
訪道流洗耳窮  
警欬進乏諧世姿退保垂堂戒嗤予吏囚  
拘曲全防意敗  
今晨追送不及悵然作詩

吏返君已行煙波望淮海高齋幾夕談  
萍輓復焉在場屋  
有宗工翩翩失李廌怡然出修門養氣全  
真宰我思援神



契三命良費解素抱祇自知遇嗇彌柯礫行善未得善風  
雨鳴無悔幽蘭秀空林失時香不改此意近所希砭俗繫  
君待媿無書薦禰何日臺招隗悵然驅車還青霞爛餘彩

從弟北來談里中事

會合懽荆株變遷傷里閭問君里中狀次第戚與疏隣曲  
春作社荒田夏燒畚營墅幾復業引泉幾穿渠故桐尙依  
井新竹尙生墟孰首梵筵席誰臨釣師居山中多道流招  
隱或開予荅云物力彫有甚兵火餘親知異存沒聚落亦  
榛蕪去年水患劇龜鼉穴山陔儉歲弦誦少廢圃無人鋤  
遠想增慨然我安適歸歟賴有君山青不改丹霞舒終策



言續  
古  
令威翮返我班生廬

砭五龍甘臥法

逸情遠性神舟谷藏雲上風疏匪主故常不醉鄉之隱而  
隱於睡鄉兀兀騰騰櫟見夢齋坐忘宇泰定竅天光觴豆  
堯禹兮父老義黃三公螻蟻兮萬稜秕糠晡飲食邪旦田  
獵邪蘧蘧者蝶邪庸詎知其孰爲搏控而孰爲之維綱吾  
恥爲雲臺觀之流于方技而師漆園吏之畸于人而全于  
天窮年適志以洗洋

鼎甫山長自嶺南遺予一研卻寄

先生著書枕榔林端州石室曾孤尋高正弟子屢常滿  
季孫



迷讀高足爲高正云卽確錯咸化爲球琳虛堂清嘯卷書  
弟子職問正何止之正確錯咸化爲球琳虛堂清嘯卷書  
坐翠見紫氣層厓陰夜深雷電裂巖腹星竇入石森沈沈  
命僮攜鏡往斲取詫得異石逾南金良工剗製缺一角地  
有駮坼東南霑殿前諫官少顏色班心魚佩朱衣瘖孤懷  
礫礫落江海瘴蛇妖蜃不敢侵故知造物慰幽寂更遣褚  
擘詒同岑半珪蒼壁入吾手細仞鏤字宜銘箴豈殊獨漉  
寄貽上兼以漆書投杜林行辭手版訪壇席招公歸隱西  
溪潯卜鄰息壤有如石墨突會遣窮年黔

戲簡灑雲上人

昌化縣人

不見雲公竹解稍龐居士亦滯西郊遶身只用三條篔簹容



言終  
三  
藪應支一把茅赤瀨紫溪歸未得山靈木客久相嘲欲從  
結夏如鄉社元叟新銜已署聳

大雨後

小園連雨似陂塘蛙吹侵宵兩部忙天氣陡如秋作冷一  
枝紅蓼浸滄浪

門前澤國斷來車南陌東阡盡可漁天遣交游謝陶令閉  
門草苔遠公書

來禽乍熟雨低垂桃落珥如丸走陂童子敲殘山鵲啄離  
離猶賸最高枝

新校桐溪舊德吟

四兄義  
庭手編

多應先友列碑陰詩中半寫溪



山勝當作圖經一卷尋

淫雨爲災象已成萬家屋破盼庚晴物皆愁思竹偏喜無  
數龍孫看怒生

寓廬爲積雨所穿損短述

脩門敗屋糊蠶紙綠淨金迷差可喜月素朱提常一流幕  
燕茗鳩供憩止晴張畫軸拓鴉叉風展疏窻支碧綺華堂  
上壽客捧觴玳筵行炙肥刺齒一朝淫雨情勢見上溜旁  
穿百物毀如蟻穴隄隄久搖良工勿諱乃足恃主人不寤  
屋蠹朽直突誰言薪預徒內無拂土敵晏然金甌無缺良  
眎此要知安樂多所忽苦口七篇鑒在邇葺垣植椶晚收



功莒城甚惡非苟訾兩平真當諫臣書茹龍更衣請今始

與升吉甫劇棋

剛勦今成遶指柔多君風格尙能道疏簾清簟困連雨碧  
落朱絲當勝游袒或牽羊常艸艸泥看鬪獸亦悠悠諸蕃  
蠻觸方狙伺一笑先生映劍頭

簡蓴老

十日淋雨不相關漠漠入荒同一雲裹糧未得看子祀入  
臺行將冠惠文北山腥風老蛟出南苑盛漲飢鴻瘞不恤  
甌魚茆屋破會上爨異天扉云

陪納言黃丈生日宴集紫藤精舍奉贈一首



勁草有指佞神羊能觸邪史以爲瑞物書之比騶牙况人  
中屈軼爲瑞尤無涯納言起甌越萬丈東溟霞精爽肅秋  
嶽藻辭刊春華文節與文潔蟬嫣忠孝家泠泠朱絲絃奏  
雅卻鄭哇鬱鬱孤生松附枝無一斜緬懷同光際國論洞  
癥瘕風會工擅持廢疾起瘖啞於時職左史日御正歲差  
月費百番紙諫草縈龍虵廷舉白獸樽緯斥潛潭巴曲學  
阿世者望風匿其瑕丈人朝舊德清亮心無他孤標鎮浮  
俗奇芬振天葩五嶽已登四轡傳徧幽遐伐翳貢竹箭採  
風錄皇琴已開老更秩肝鬲吐槎枒自有活國丹不待灌  
河車城西闢杜治嘯詠滌朱查地僻類巖阿酒熟桂始花



言續房  
社有庚桑祝座無齊客  
苑林風發清籟歸炬動  
栖雅醉扶綠玉杖顏渥丹  
邱沙羣士得所宗輪困倚叢葭  
乞言敦古義世運齊隆窳

讀法言一首

周士貴而肆儒術興比閭從臣第嘉頌君相亦流譽秦士  
賤而拘賢達困斗糈握齟者朋進治痔驕得車子雲老寂  
寞斯言聖矣夫頗譏切世變憂時生痛疽君子道消矣養  
性期逃虛姑讎天祿籍癖謬老蠹魚林霞媚夕檻園翠引  
朝裾招來班嗣徒酌酒權有餘

奉題山陽丁儉卿先生小照



頤志齋成四譜編詩三家又廣搜牋一生心折柘塘老林  
壑優游九十年

禁夜

中天夜景湛虛明倒影霜林浸碧瀛殘月離離挂高樹疏  
星灑灑麗飛蕈乍聞長樂微鐘出稍辨餘皇遠火橫應有

鶴鳴知夜半

用小雅  
篇名意

湛冥誰識此時情

尊老枉訪值予未歸次日戲呈

文書銜袖朝參吏每逐歸牛晚笛迴聞說客騎驄馬過不  
曾荒徑掃蒼落

稷下羣言仗總持捐書班嗣俗常訾造門忽荷楊雲賞似



許栖遲一壑宜

城西菊市漸應稀  
蕭瑟寒林露酒旂  
白首端公一迴訪  
買花親壓滿擔歸

李慈銘

答

閉門久學寒蟬噤  
一訪長安臥雪家  
吏謁未歸鈴下

睡滿庭凍雀噪寒花

卅年寂寞衙參吏  
短髮羞簪柱後冠  
正是輕陰天欲

暮且同松柏守山寒

玉壺冰合嶸山雪  
絕妙蘭臺一卷詩

昨示予己丑年所作詩  
臥

病凝香休假裏  
抱書吟過歲寒時



寒夜獨謠

紙窗竹屋終寒窘那有斑絲倚隱囊  
靜夜風甌清自語伴予讀書更炷香

偶然作

太常齋日三百餘鎰伶沈醉三萬日  
彼直寄焉逃世詬塞兌至言將不出  
我今不飲復不齋支離其形難究詰  
昨誦曹溪一句亡頗覺中邊皆似蜜  
龍宮蝸舍無不可螺贏螟蛉悵然失

陸賈

湛濁難堪莊語徒曲全惟有社旁樗  
君看北海孔文舉何



言續集  
似西京陸大夫片語解紛平與勃千金游橐越兼胡沈洋  
俯視長安弈暖藻啁啾泛水鳧

右軍

搶攘江表欲辭紛種果惟當老右軍卜墅始甯工作達寫  
經曇礪寓斯文廣陳爛藻披支許稍出良規折謝殷服食  
近來殊劣劣戎鹽一味乞還欣

夜聽十一從弟談鄉事

月出庭樹靜雲寒夕光清養日喜暗坐撤彼松膏熒勞筋  
息倦役暫寂幽憂生鄉談聽予季癯飢當萼羹市井迷舊  
嚮堰步開新坪十月灘舟滯水石軋霄崢縣南圓通寺相



去裁牛鳴荒年夜有虎樵牧乃戒行前年山水發龍移層  
湫腥溪流瓦屋脊田坵碎沙并隳突數村壞崩岸聲雷砰  
客民山棚列萑蒲出縱橫令長不敢訶白晝赤丸瞠嶺頭  
炊煙少蕭蕭竹抽萌山魃窟木石未晡關柴荆山中不可  
留蘭桂獨揚英予欲反招隱暫掃鄉愁櫻

傷逝一首

爲宗室竹坡侍郎作

奚止瑀鏤景物才謫官未足禳干災英流石抹前言戲

戊寅

秋同上翠微山戲謂君倘守危城如石抹宜孫子將效犁眉公相助云云

苦調山陽觸緒哀長

白寶幢生不易飛黃朽索首重迴孤忠何異三閭切卻爲

天家惜此材



荅雲門

鞭絲再入修門道，閱世綦枰萬事非。  
笑我霜髭侵老大，健君詩格破森霏。  
吏如槐里朱雲雋，調似宜都白雪稀。  
學道年來知用短，甘輸天馬脫塵鞿。

向子培借陳茂碑搨本一觀

世緣局束面生塵，欲借驚鴻一枚神。  
妙迹千年暫攜示

歐陽

公集古錄著莫疑桐面酒留人

王可莊出守京口

固知素抱終遺補，豈厭承明去直廬。  
溫旨試君親吏事，碧油幢引向南徐。



不到松寥十五年。閣中僧已半華顛。就君欲乞茅庵住。一訪州民焦孝先。

卜鄰杜曲恰成村。雁去鳧留春夢痕。未買江南黃篾舫。低徊祖帳出青門。

太室二首

太室峰積石闕漫金題。玉冊付祠官。濯龍殿秘光俄掩。鴻寶書傳字已刊。曾索投壺天一笑。虛期執戟朔多端。重雲蒼闥牋難達。恨少王喬捧藥丸。

牙檣蓋海總樓船。艸議當時侍奏箋。雲母輦殊長卻御。濟陽宮敞待標鐫。東封氣讐舟鮫守。西景戈回隙駟遷。神麗



昭融動南頓榮光赤瑞正連延

夢還富春山中作覺而足成之

栖遲薄宦寸心違松菊田廬久已非忽買扁舟動高興便  
治藥圃著蘿衣剡藤萬里孤雲健華表千年一鶴歸親舊  
纍纍幾新冢且持社醞叩鄰扉

再和雲門

詩才蒨麗屬夷陵迴雪流風和不能君或過秦吾媿谷傳  
衣未許妄擔承

纒堂老作開堂宿警欬風雷出病頤誰是南能誰北秀秤

量喚取沈傳師

謂子培



冬夕

空庭無一葉宿羽未安枝初月纖於玦疏星散作碁松陰  
圓乍轉竹影薄方移靜領枯禪趣安排付小詩

東林

東林西林老禿邱南寺北寺清新游凍鐘殷床有短韻荒

學問字無長頭

所居坊後有義塾

毗耶居士坐槁木長安貴人如

海漚夢入南屏獨庵裏巖冰千筍茶一甌

題長沙瞿封翁自濟圖

圖中自寫少壯老三身共操一舟野逸之態可掬子久學

士之大父也邵子詩也能康濟自家身封翁命圖殆取此意

龍不恥泥蟠元覽响昭融鳳不憎山栖培風斂奇翀所濟



在一世藏用恆抱冲舜耕窮山深心與木石同孔隱緇帷  
几曲肱聽松風所濟在一身窅然志无窮法律自繩已經  
世仗孤衷氣象肅而舒赤舄垂春容濟自一身始樞得其  
環中履屐苟失任違問措收工筋骸不自束遑問蘇疲癯  
瞿公達斯旨抗心超鴻濛寓言實非諧養氣俟其充泐泐  
有古槎得非河上翁嫋嫋松標厓眞游鬱浮空彈指去來  
今面皺觀河通玉貌變雞皮堅如甘蕉叢三身幻少壯四  
智悟泐澗交食乎厚地交樂乎高穹逝者未嘗逝終者無  
有終浩然風霆行泰壹返璇宮形敝神庶存克治積微功  
君子慎居室冰谷課幽忡演孔刮老佛皎鏡開昏霧示人



以津筏苦心言雁鴻何必浯溪厓何必蒸水東沿洄棹中  
流青翦收釣筒自濟濟天下年運齊窳隆請陳隱君義蔕  
叩慙恹恹

又題瞿太母湯夫人分燈課讀圖

雪窻松肪雘細書宣西坊居瞿學士爲言大母茹艱辛展  
示遺圖淚漬紙湘西茅檐門積淖手種三松風葉稍短檠  
分照一絢絲直榦鬱爲三秀孝我憶江樓侍紡機山邱幽  
翳黯春暉先大母單恭人課諸孫甚嚴伯父菽圃公作夜  
紡課孫圖敬系以詩圖亡于兵火欲追摹未果  
也發潛還乞採風使史筆仗公能表微子久嘗眎  
學浙中

西郊賞雪

晚攜酒過薛  
十八齋中飲



西山皴處矗嵌空蕭瑟干林望不窮一鵲足拳瑤樹杪萬  
人家遶玉臺中天心不使疲農槁歲事欣占宿麥豐薄晚  
澆君小蠻榼深杯莫厭興迴融

奉上榆園三兄江上幽居

門對千山雪滿湖釣師送酒餽彫菰幾時歸侍團瓢坐看  
注真靈位業圖

過都虞司懷洪北江先生

萬言朝上夕湘纍意氣磐紆不自危念念玉門行萬里  
昌陵猶是聖明時

省夜



天河瀉練素欲滴殘月嵌空黃映壁平頭撥盡豆黠灰火  
種微茫無處覓卻似黃山老衲庵雪筋打窻寒齒擊千年  
不調軋殼蝸半偈罷持穿石鐫時還摸索永嘉言見道忘  
山喧亦寂

讀朱子行視武夷精舍詩有感

世慮撼浮脆學道意不堅譬如火守膏慮與之偕遷一朝  
壑舟失兀若朽株然耄缶嗟何及曙戒毋忽焉超然空同

子

朱子注周易參同契隱其名署曰空同道士鄒訢

其外物多所捐晚結事外契早

息區中緣卜居大隱屏縛茆栽三椽曠莽次第闢虛舟縱  
洄沿招邀夙素侶昏旦擔周旋行則翳勁松漱則勻清泉



言經序  
襟期無天闕講貫意所便高風颯千載邈矣荒榛煙吾欲  
往從之道遠殫餼牽顧惟蹇劣者礪溜朝通川願執洒掃  
戶聽經館壇前縱復無所得柴棘日除湔縱不滄聲歎寤  
遇肱陳編抱沖至篤老意愜坐忘罍

侍御李愛伯先生同年樊雲門令君連枉佳章齊混  
沌於蛾眉驂跛足於綠耳賤性繆迂素畏標楬獎借  
非分祇增顏汗篇中之意焉敢遽荷顧雅命不可以  
虛辱也勉竭蕪鈍仰答至言聊以拾礫竊埒後塵云

爾

縵堂風力晚逾勁諫艸久具病阻之毗耶一室剗穿榻神



清峙鵠形支離戲拈風雷出餘滲瑀刻草木建鼓旗背孤

擣虛布堅陣健筆摧塌千熊羆評量籍建意刻岨六喻飛

電搜蛟螭詳味詩中章法源出金經六如偈頌及雄詞萬

物困陵暴日借往史鉏奸欺迴斤乃一斲散木羅縷碧樹

黃茅姿公詩譬禊帖祖本對越跳擲天人儀米評王書云

如跳擲如跳僧虔子雲希筆訣未得骨髓空樵皮金丹那許換凡

骨體勢峻庸交失之觥觥令君稍得筆驚鞞逸翮不可羈

珠林璀映落絳雪劍舞凝停迴柘枝肱其咳唾妙一世穹

巖窈壑難樊追五雲太甲穿穴秘巧歷往往窮箋攤坐瘖

羣士癡爪嘴何忽佯卻藏幢麾強捉蕭家孃姥隊當君蛇



鳥縱橫師兩雄往復益恣肆撼我癩樹黏蝟枝風棱未必  
檄欖似氣味或許蝻蟬宜

皆來章中語

轅生止辦圈刺彘老作

散吏憊寒飢就令梧鼠出應閒鏤冰畫脂空爾爲楹莛施  
厲互嘲諷朝夕迫窘穿肝脾頗染東京黨人習浪出品目  
膺滂期至言久絀世語勝聊復箭映相娛嬰惜哉語妙抵  
聖處不使抗議侍天墀何當故技盡捐黜築室靜臥蒼  
厓遺經潭思橐宙合發揮玉杯清明辭卜鄰南江有夙約  
世諦藻語芟其厄拘攣一掃文字障請挈萬古光芒迴  
鑑園有小水流入十刹海隆冬不涸不冰亦異境也

過而樂之



諸天碧海凍此水獨濺濺卻似仇池岷潛通小洞天

飲

不

知

不

溫州



言糸房

悅

公

國

示

州

溫

5

三



村叟詩草草寫出用活字版排印初意欲以供江鄉知舊  
一笑俾審予頻年身世隱約之迹以省書筴往復之煩昨  
略一披覽了不見勝處且寫情景句少而說理處猥多不  
免如劉舍人所譏非柱下之指歸卽漆園之義筴云云此  
詩病也且沈氏亦譏孫楚孫綽許詢之流爲學窮乎柱下  
博物止於七篇正始永和之間流風之扇乃爾予又胡爲  
澗其畚棄之泥而揚其涸絕之波乎更卜何時捐去故見  
別引新機得有莊老告謝山水方滋之異境乎法不孤起  
仗境乃生手隨意運暮年方妙此殆俟諸異日不可知之  
數也且聊以眼前文字窠臼盲鈔妄錄博解故人頤耳庚



寅二月六日祖偶識於宣西坊寓舍安般篋中

詩經序

三

知

心

心

心

心

心



安般移集目錄

詩續辛

庭花

人日括賀方回詞意

春風一首

訓蔡千禾同年

即送其赴蜀中倅

一霎

仲弢太史初度以小詩奉侑

恭閱

慈禧皇太后仿



世廟畫蒲桃御筆

恭閱

聖製畫竹

御題曰雲痕煙影

戲咏肺病

禁中早春

上燈日

鸚鵡眼研銘詩

月夜遶景山下詣苑門

小壺天

十洲槎臣同日朝正

西海子恭記



春日偶題

二月七日雪陡寒

夜坐

古意一首

喚起

桃花將放

雲門將行戲作俳語送之

人事

柳

晝睡



言終三  
寒食前三日作

追悼季妹

到處

雨

再賦柳

落花

尊齋奉使日本還朝因贈

尊齋前後見贈徵君鄭子尹先生遺書再答謝

又謝遺倭刀

一指



託迹

蕭寺一首

傷同年黃再同編修作

壽長沙徐耘渠駕部丈八十

觀物襟題

玉河

覺衰

未遂

題翁大令長森貽硯圖

書所見

積雨後作



言  
雨歇

老城根

寄鄭蘇龕

籬落

送潘伯馴同年歸櫬

訪吳子修

淨慈一上人渡海來請效內府藏經將擔歸杭州受  
持流布其意甚勤同子脩太史作五絕句贈之

賦得聞道王城最堪隱

賦得萬人如海一身藏



調李侍御

戲贈宋養初晝睡

夜坐望月

送葉緣督太史還吳中

致仕瑞安黃丈壽讌詩十有四首

代

濮母林碩人挽詩

壽譚仲修同年六十

聞伯希作西山之游

憶山中太和潭精舍

前明俞莊襄公讀書處

咏袁白燕



侍郎李仲約先生視學畿輔感時述事奉呈八章

詩後又題一首奉寄

再咏虞功曹一首

賀藥翁得一子

掖垣望月

看鷗波亭圖

管道昇畫竹

咏瓌色古畫

耳鳴

冬晴望北山



吏舍西垣下老桑樹

碧城

上孝達督部師

題會稽王孝子髮冢銘石本後代

枯樹詩

喜朱二屯田見過

歲暮上李端公

蒼林君四十初度作詩示之

又題六言

新年試筆 壬辰



早春鄉思

第四歲日再過神武門托托小憩

懷朱鼎父時客授廣州

寄雲門秦中因效其體

寄屠梅君侍御晉中

人日

湯興

風定後

戲贈黃山呂居士

思爲退谷之游

在卧佛寺南



尋春

示兒輩作文法

君立善相馬頗聞畜善馬十餘頭乃絕塵之品也作  
詩調之

菊潭行



言和...

公

國

河

邊

示

行



安般集

詩續辛

芳郭鈍交

庭花

此指唐花。辛卯非春花也。

庭榮開且落潛引早春融寒消漸不覺點注鬪輕紅茵溷  
無心遇那繫拙與工南枝慳不放未肯媚暄風物色隨榮  
悴吾道齊窮通

人日括賀方回詞意

釵梁花勝賽年時惟有文園減鬢絲欲寄南書無去雁佳  
期付與碧雲知

嬾拈綺語出花前畫省郎官滯十年那有清歌慰寒夜宜



春自寫衍波箋

春風一首

夜起作

春風聲酣圍野屋驚濤夢簸下江船夜窗人靜花含露鄰  
舍燈明竹罨烟浮世發硯無妙斲沈思入爨有空絃不須  
更惜前懷抱只合收身老蠹編

訓蔡千禾同年

卽送其赴蜀中倅

久滯鴻都國子師一官落拓向巫夔中郎妙迹留刊石揚  
子元廬訪翦茨符竹佐人成坐嘯餘丹飾治博生祠歸來  
更卜吳羌麓晚約談經共抱遺

一霎



一霎沈淪欲界天花飛下著積肩無端嚴淨華鬘勝打  
破堅城百丈禪

又

一日心光迴向真育王塔下懺除身老陶高築松風閣根  
淺須持戒律新

仲弢太史初度以小詩奉侑

第一番風第一花雁湖囊取赤城霞香山樂府香光筆代

嬪光芒有作家

白文公正月二十日生  
董文敏以十九日生

春華秋實久分途公欲兼通所挾殊文囿仙心籥東馬史  
家通例發南狐



重穎靈根不可倪 本朝地望重劉嵇諸城錫山清門誰識崇

名德不數鳴珂帶有犀

永嘉諸老典刑存乳穴融成水碧温別有至人丹訣在不

隨時輩擷卮言

恭閱

慈禧皇太后仿

世廟畫蒲桃御筆

幕天匝地起濃陰馬乳垂垂密葉深氣勢開通玉門堠遠

規

廟略揆靈襟



似出橫風密雨中。生香活色奪天工。不須更護龍孫竹。勁倚西天玉一叢。

恭閱

聖製畫竹

御題曰雲痕煙影

千葉煙籠玉鉤瓊。一絲雲護鐵環紆。直將古籀縱橫意。灑作丹邱墨竹圖。

遠韻榮光乍合離。鵝溪尺絹萬尋披。靈根定種瑤池曲。俛眎靈鈎柯九思。

戲咏肺病

一冬陽不藏。六賊風遂伏。津液皆變痰。梗此玉咽宿。猛攻



芭蕉堅唾作地榆簇有如一丸泥元關鎖函谷又如土囊  
 口迫峽急湍湫南風攜不支左角洵相逐齊鼓爲之瘖彭  
 尸緣隙蹴眾竅噏復張三機翻且覆嗟茲要津地理宜清  
 且肅邪氣入據之內淫互句族和扁袖手觀藥力不可漉  
 姑聽其消長在宥不汝鞠一朝還清明氣息往而復老火  
 濁徐消稚金初返服吾何所欣厭熱爾觀槁木

戲語子培云近革囊

四大中有一大受病牽掣五陰三毒皆不安靜予惟以定力勝之

禁中早春

華林連桂觀太液遶瓊臺宿鷺聽冰解新鶯轉樹來綺沙  
 汀隱見複岫路縈迴碧還烟際草香發崦中梅至治貞觀



靜春輦卯門開鬱蔥佳氣轉

聖壽頌康哉

上燈日

亭皋晚市閉林表春烟微火樹繁星出華燈碧月輝聲喧

三日酺香颯六銖衣人隨鼓吹殷歌逐梁塵飛

一作鈿車流水去瑤

吹彩雲飛蕭椽龐居士何能獨掩扉

鸚鵡眼研銘詩

其製古朴肌理堅鸚之鵠之青瞳矚面背各一瑩匪鑄如

星貫犀妙自然

蘇舜欽詩海犀望星星八角

凝渟一點黃暈鮮山根綫

溜穿千年砉然日牛形無全仰眠天員俯地員潛地而地



言筌深耕熟耰此寸田孳之不舍石可穿  
天而天矩分立臥心閭孳窮高極深鉤其乎人天法眼刊

月夜遶景山下詣苑門

長簷載去似吳艘透碧頗黎竅兩窗夜景澄鮮雞喔喔嚴  
更茗帶鼓諠諠埃燈破霧行相引波月銜珠未有雙宛似  
江南曉行色青山紆曲障蘭缸

小壺天

島霧松疏碧汀烟柳嫩黃浴鳧低拂水響鴿靜辭廊畫戟  
排衙仗金鋪對雷堂壺公隨地隱在處得天光

十洲槎臣同日期正 西海子恭記



禁柳烟消鏤稚金波融太液與

恩深瓊臺仗下千官肅紫殿墀頭八校森

卅六天中日正長瀛洲春麗幕榮光新添一部饒歌吹天

馬西來

帝道昌

貴霜五翎候排班耳飾斜簪碧玉環都作嚴裝紅帙首一

齊吉語粲

天顏

輕霞隔海率陀宮

萬善殿與閣東西對峙 紫光

章廟清修法會融卻似波旬冠瓔珞蓮宗環禮



座當中

魏徵勸我行仁效貞觀元龜屬

景陵

家法一誠通異域

聲光四徹被中繩

軒皇御世動如神妙用猶龍若畏鄰千載漢文知此意南

佗北頓氣俱馴

糾儀墀下侍臣冠記注當時豈飾觀須識

宵衣勤法

祖會看月竈其年班



聖壽南山永媿崇嵩呼雲氣出封中傳宣

天語淪肌髓太史今朝奏景風

金葉書傳手自裁左言畫革字縈迴胡柯大夏天西至異

鳥條支海上來

璽書赤伏署公孫清晏安和總

主恩

北史云魏梁通問之書舊式每云想彼境內清晏此區夏安和魏伯起改新式但云想境內清晏今萬國

安和去彼此之稱書體遂定

志在息人邊自靜記稱黃石有微言

賜筵法酒出

天厨脯擘紅虬玉作酥筦讌錄公中座起從容彈指過蘭

閣

此借叶



太液池頭乍囀鶯融融春漲縠紋平東皇昨夜驂鸞出吹

徧瀛洲綠草生

賞花垂釣舊儀存

祖德如天詔敕溫長頌

君王修故事守成今見

聖雲孫

八伯歌風堯外臣逸書王會作箋新

何比部秋濤作周書王會解箋未之見也

廟謀鈞築收賢輔自古平戎在得人

春日偶題

睡足肢體融

樂天語

懶久神氣足

榕村語

未離欲界天略證清



淨籙君看物生萬何曾有修促池面幾曾皺年年漾晴漾  
林衣雖暫禿旋旋輕紅縟相與任枯榮何曾知寵辱獨有  
花前客朱顏變枯木霜髭不再黑皮膚易爲瘡雖復一編  
披目力艱往復平生同遊人大半在鬼錄存者其文字酸  
辛難卒讀若復不銷憂春郊恣遊矚心隨物得時涓涓水  
流谷何以娛樂期天機慎勿枯百年已過半尺捶取已跼  
古人或開予夜游當秉燭

二月七日雪陡寒

早春妍暝忽飛花撼屋風威一夜加夢破竹搖聲颯颯起  
看籬壓影斜斜光侵鴉髻寒生粟氣卷龍堆細挾沙斗作



詩經五  
隆冬三九信綺窗花事轉應賒

夜坐

風竹語騷屑月林筵扶疏更深鄰火寂室白洞窗虛斷雲  
無來雁攤案有殘書欲持楞伽句往叩淨名居勝流邈難  
追勝情誰爲攄惟餘文句外卒解一飴予疲疴忘遣釋年  
運任乘除境智兩冥矣身心同泊如毋爲禪味縛還游物  
之初

古意一首

弱柳黃纔卷霧齊芳原綠遍草萋萋眼看競發花相映獨  
有孤生竹未萸狗監不逢園令病馬曹久滯楸人跼不關



中酒愁如許壞壁慵尋舊日題

喚起

夜來皓月纔當午花影松陰暗裏移喚起不知春已半飛  
來枝上盡情啼

桃花將放

綠窗氣似蒸暎窗外繁英作團孤負殷勤伴我愁看鏡裏

朱顏

水村山店何處卻憶江南路賒想見蹋青時節層城隔水  
生霞

絢爛碧雞坊裏爭禁十五清明啄溜生憎山鵲頰珠拂墮



簾旌

不待金莖賜飲何須羯鼓催  
開牆外游蜂未覺超然獨立

蒼苔

媽似麗華妝薄分明三五年時最好  
未開時節明朝先發

南枝

春自無關喧寂折枝浸取銅餅此卽壺天  
深處花光迴照

沈冥

雲門將行戲作俳語送之

樊山落紙如雲烟對客揮豪淮海然脫藁卽貴  
洛陽紙珠  
玉不脛人閒傳卻笑鈍根枯面壁畫被不能成  
一篇障泥



駿馬指秦川花如絳雪春風顛澥雁江鳧一分手雲飛水  
宿各一天青門從此少顏色漫山桃李爭春妍豈若溫三  
十六清麗句句飛鳴羽化仙仙才將行玉溪生又老謂  
翁還對龐蘊半枯之木蠶眠禪玉溪老龐見子皆卻走屢  
欲筆研煩焚捐山礬巧避水仙潔羌篴怯伴朱絲絃須君  
輕裝入華下晴窗復理陳丹鉛聊持半偈適獨坐日論者  
誰知子賢譬令蜉蝣議龜鶴自有長短要非世士能  
媿妍君試評之然不然

人事

人事支離鶴與鳧世情俱到幻榮枯西園劍騎輕寒士東



言續三  
海蟬娟笑出夫獨秀見奇霜後柏羣妍相壓癭時株蜩鳩  
鼻息從相屬似畏飄山眾口响

柳

嫩寒驟暝酒人醒三日風稍忽放青閱世靈和殿前柳幾  
看朝士鬢成星

晝睡

鳥語花香總不知起看篆鼎裊烟絲故人遺我長生訣午  
枕西窗一覺遲

寒食前三日作

輕陰落絮近清明瀨上遙憐弟與兄輸與龐公作寒食鹿



門山下趁攜擎

追悼季妹

潭洞山花發山深聞杜鵑無人作寒食有淚到窮泉慧性  
疑天得慈恩荷最憐學裁看繡拆拾翠憶裾牽宛轉依寒  
檠冷娉侍紡塼每隨兄讀畫恆伴姊調鉛數笋林閒寺觀  
漁瀨上船佐巡青莧圃教檢白雲編忽厄焚巢劫離如病  
擗然倉皇膏野草頓撼阻烽煙荒谷秋螢照焦原殺氣纏  
戴盆無復望銜石幾曾填畫粥分糧日積山疥木年節同  
高愍女妹以癸亥年  
殤裁七歲辯似趙津娟懽晏追童少飄搖及播  
遷搴攜皆可念今日滯幽燕



到處

到處瓜牛戴殼遊。圓成淨土得浮休。白生初祖虛看壁，  
入榮期。喚解裘。天上蒼精方朔是。人間黃石穀城求。市人  
不識壺中隱。何許長房獨倚樓。

雨

春雨細如絲。春萸青滿枝。嫩黃裁溼柳。漲綠稍平池。人語  
烟中靜。宮花仗外敲。華林園外望。雲氣欲漫陂。

再賦柳

照影玉河頭。輕花逐水流。清明紅雨岸。上巳白蘋洲。樹下  
鈿車過。深藏小畫樓。東風吹綺語。散入曉烟愁。



落花

游蜂晚已去。啁鵲曉還來。度窗黏碧綺。飄砌媚青苔。蟻噙  
行上樹。鶯蹴半辭枚。攀翻祖帳席。吹浮宴坐杯。獨有棲禪  
者。時節無驚猜。嚼和香積餅。觀空明鏡臺。散著聲聞果。彈  
他不下來。至人拈笑汝。世諦未全灰。

尊齋奉使日本還朝因贈

兩使扶桑留幾載。節旄未落鬢絲斑。往來常得龍神護。寒

暑應隨漢使攷

用徐陵使北語

儒俗稍還維繫大

璽書相厚戚休關。鬱裝一片行舟石。歸鎮且蘭竹外山。

尊齋前後見。贈徵君鄭子尹先生遺書再答謝



言系三  
二  
枕椰林擁竹王祠中有飛霞解佩姿尹道真生荒裔曜洪  
卷施後學人奇遺書汗簡箋非一耆宿邵亭夢更思飴我  
天南文字好付之玉躡繡爲池

又謝遺倭刀

使君來自大瀛東水擊三千鶴背逢謁

帝陳詞向金闕贈交脫手佩蒼龍誰言奇計居巢老猶挾  
豪情說劍雄笑我一漚便涸陸看公七澤久吞胸

又

冶工龍伯國人良宵練橫飛制陸梁結佩曾行四天下

君先

以參贊使歐西足  
迹幾徧四大洲

發硎看試十年強畸生祇欲觀刀室雅



意虛承遺墨陽斂取光芒養生主善藏甘作老蒙莊

一指

苦空蹋破四魔軍一指頭禪又冊勳斜日散牙從覓句野  
人爭席不離羣餘情逸到王黃葉耆學吾師許白雲階下  
棠梨枝乍放黏枝蜂蠆任紛紜

託迹

不治儀望不潛夫託迹浮沈以自娛苦縣名甘鷹作馬屈  
平身願化爲鳧持版猶嫌判牘尾刺船欲去餽雕胡何時  
蹋破牀頭糞一謝塵勞公府趨

蕭寺一首

傷同年黃再  
同編修作



蕭寺重尋故人迹已凋老簪又摧筠石牛谷黯門風歇黃  
鵠磯長蕙帶焚兩世交情隨逝水一哀鄰篋闕積雲藏書  
百篋空塵蠹誰省丹鉛往日勤

又

蝮甲蛇跗不可捫一彈指頃覓無痕邱成分宅君真薦翁

溪先生家蠹落祇餘一老曾孫嬾君賙卹甚至應劭纂儀孰與論會典館開君喪

次星奔緣毀卒迕時柴立絕扳援黔風從此林芳歇鮓甕  
箒溪哭瘴猿

壽長沙徐耘渠駕部丈八十

地肺朱陵小洞天長生有籙政新鐫高栖紫蓋中峯穩時



岸烏巾小築偏宏景早辭金馬祿老坡猶署玉堂仙莫嗤  
八十指筇叟直上披雲岫嶮巖

又

騎省吾師篆韻箋

少空壽蘅先生公之從子

楚金曹署迹曾聯

叔鴻侍御兩

卮同捧荔支綠十卷新刊楊子予天上石麟方覽揆人間  
絳縣正疑年異人豈有丹邱術航道遺榮氣自全

又

鯁生雖未識公顏蕭散先朝執戟班初服收身成大隱著  
書專席筦名山

時主嶽麓書院

研朱點易真堪老刻篆瑀蟲久已

刪

易有蜥蜴之義故以借對

不為先生肯低首瞿劬南望籜巾閒



又

巋然風節鉞時俗始識靈光魯殿尊文字浯溪一片石性  
靈苦縣五千言紫泥稠疊徵君號朱鳳裴裒嶽竹根甚  
欲從之畏壘住一持黃卷叩真源

觀物禊題

竹中搗藥白頗含山居情睡起窗光靜綠陰無數生  
艸木順常理冬枯春復妍始悟養生訣惟資法自然  
勞侶卻微塵言尋止觀門蹙覓化城憩峻阪時易昏  
鶴啄青田芝鷓栖枳叢裏各抱倦飛情暮而得所止

又



不須奧義詰三旛六妙門中第二門逆旅擔夫從爾汝野  
漚相狎祇忘言

萍塊雨中吹暫破絲窠風裏埽還成裁看鷓子新羅過又  
驗青甯久竹生

玉河

玉河曲曲抱城流明鏡中無一斛舟薄晚萍開風乍起楊  
花飛入女牆頭

覺衰

無復壯心吞楚澤已如疲病喘吳牛一行中散淹爲吏十  
日南越浪自愁但使世風還渾噩分甘谷汲老林邱欲尋



詩經卷三  
閒適師誰好園吏卮言榮叟裘

未遂

未遂飄然去遺山野史亭枝言螢自照槐夢蝶應醒營野  
無三畝談空負一經浪遊真晚悔刻意布衾銘

題翁大令長森貽硯圖

故物所餘裁一研吏如冰玉迹雙清惠家紅豆傳經意留  
與雲孫取次耕

坐閱衰興惟研壽金題繡褫失仍還何如甘露庵前物朱  
十徵題寶晉山

書所見



浮荷盡處遠林出，上有蒼烟一抹橫。  
凝望方知是山氣，此中疑有化人城。  
曉風殘月金鵝觀，無限丹邱出世情。

積雨後作

虛寂生道心，林泉發佳趣。  
雨昏東林鐘，艸沒西埭路。  
積潦漲成陂，行人不可渡。  
稍看遠峯霽，旋豁層城霧。  
林鳥不聞喧，青蟲網高樹。

雨歇

吹蛙一部洗朝醒，野水彎環艸樹明。  
藕蕩漁人貧不厭，竹含殘雨作珠瓔。

老城根



金元遺趾何有惟見陂隴低昂箭鏃應藏一斛深宵還發  
光芒

寄鄭蘇龕

鄭虔工艸隸蕭散異常流惜別經年夢因人渡海遊分符  
戊己尉採藥蜻蜓洲詩得江山助相看隔斗牛

籬落

籬弱支緣樹苔皴綠上闌螢黏殘雨黯竹帶晚花攢生理  
無雞柵清吟倚鷓冠纏藤任傾倒當作野廬看

送潘伯馴同年歸櫬

微祿羈栖久不歸決疣真返芟荷衣闕爲祖送青門外安



隱娥江素旒飛

奇字槎牙禿樹根李潮筆勢更誰論應穿玉笥單椒葬員石苔剡作籀痕

四明狂客留妙墨磨洗氈椎往欲規聞越州千秋觀有賀監書碑君欲往搨見

遺未陳迹千年山雨閱繼君奇癖數阿誰

訪吳子脩

塵甌三旬瘦羸驂七不堪祇應投硯北相約老花南桂蠹

吟成癖瓜牛隱似庵蕭疏竹林下兼覓阿戎談謂綱齋

淨慈一上人渡海來請放內府藏經將擔歸杭州受

持流布其意甚勤同子脩太史作五絕句贈之



永明千偈瀾翻處龍象全荒蔓野藤聞爾誅茅敷半席宗  
風還續一燈能

又

芒鞋竹杖一孤雲來自湖壩造請勤宛似洞天探宛委  
胙金鑽祕書文

又

圓明百問箭鋒機提倡門風宗鏡歸歸洗

御碑蒼石髮山川披豁

日光輝

淨慈寺本吳越時慧日永明院雍正十一年

上諭穹碑勒石

御選語錄序推智覺壽

禪師為曹

溪後一人



又  
貝葉流通出石渠擔還神護靖夔醜香山竹中泉一滴證  
取衣法南來初

又  
幾年不到南屏路屈強家人卦蘇斑幸爲殷勤搨生紙磨  
厓寄示當還山

賦得聞道王城最堪隱

黃塵浩浩市朝昏蓮芍陂西別有村失浪搏風人自擾寒  
匏焦穀我無言晴窗帙敝衣魚歪旁舍困空野雀喧試覓  
栖心安隱法清齋梵夾掩籬門



言紀三  
賦得萬人如海一身藏

龐眉疲尉信湛浮業海吹瀾未困漚幻似三桑瀦作陸翮  
如一芥枿爲舟幾人化蜃重樓翠何物醯雞敗甕游且約  
壺中行藥叟枯碁臥閱弈枰秋

風音調李侍御

椒猶合口班墀下

君入臺後未言  
事時監京兆試

桐自刳心出爨餘今日

捉將監鑠院春蠶食葉不關渠

唐人以御史裏行爲合口  
椒監察爲開口椒此借用

又

眾工爭握量才尺巧匠翻令袖手閒鉤起風簷十年夢筆  
酣射策燭花殘



戲贈宋養初晝睡

文書束筭久相纏身似吳蠶一再眠育育者魚濠上樂遠  
遽然蝶夢中仙比須料理休搯笏起視光陰已過甄歸志  
浩然三泖宅臥看煙樹出江船

夜坐望月

裁穿碧樹出已射半牀明眾籟清秋寂蕭然隱几情綺窗  
華燭滅莎砌一蟲鳴俗學今知誤真慚外物攬

送葉緣督太史還吳中

陀羅幢主玉堂仙歸棹東吳范蠡船趁取尊羹下鹽豉丹

楓半醉晚秋天

君聚集陀羅尼經幢  
塌本干通自署幢主



分題鷓樹石屏風華屋山邱憶醉翁惟有任安留不去坐

穿一榻鄭奩中

入史館後久主潘尚書家

點勘羣書下戊籤收藏入錄發凡嚴

君搜錄古今藏書家作雜咏三百首人系

以傳異聞佚事箋羅極富

元緡宋槧資南董括盡流傳竹與縑

光福崦前白鶴飛漁榔夜半火微微苔文小別承明去載

得牙籤萬軸歸

致仕瑞安黃丈壽讌詩十有四首

代

不須大藥駐朱顏不待金丹製九還閒氣星明中執法孤

標玉映上方山韋公猶夢爭王室蘧瑗何心出近關大好

游龍製雙杖文端韻事百年攀

協揆蕭山湯公以乾隆三十六年壬辰生罷相留居



京師與文攬揆之年正  
同致仕後心迹亦相似

同懷競爽似三洪繼起才華蠟鳳工門業玉堂傳制草道  
山延閣嬪宗風郁離家近犁眉叟諫錄人編羊鼻公試讀  
姬傳翰林論要令金石在波中

猶憶龍沙斥堠危行人睨柱載書欺窮邊甌脫防青海抗  
疏批鱗動赤墀入對

東朝蒙稱 旨持衡南國不忘規人才時論歸元祐鐵漢  
端推劉器之

輶軒使者採菁英煦物氣如春景晴遺箸江汪歸

祕閣

筭河朱公視學安徽採進汪雙池江慎修兩先生遺  
書進 御得入四庫文督學江南搜羅近儒著書



幾百種牒送史館入儒林文苑兩傳故引朱公事為比

專經虔植半門生球時陸九

論椿庫赴闕坡公對邇英抗議樓船臣職在蘭池焉敢忘

廷爭

丈以言海軍事忤由兵侍左遷

旨

甌使夷然就左官每陪國論慮先殫常憂紅海通番舶旋

攝烏臺整法冠

恩許優容三品服臣難瘖默寸心安

角巾未敢歸東路心迹猶依日月丹

寒花晚節律身嚴自信行藏廢筵占點勘老懷勤炳燭唯

阿世士斥飛箝都捐機事蕉中鹿刮埽浮名竹上鮎來日

詔開千叟讌上尊法酒賜頻霑

清聖濁賢推美祿頭銜新拜酒泉公人言晚節薑逾辣天



賜芳樽酒不空過嶺東坡清似鵠杜門北海氣如龍陶然

一醉離邊菊世事真如馬耳風

漫叟惟知惡曲圓頻移風會源開天

香山樂府云天寶末年時勢變臣妾人人

學圓

木饑水毀無中氣

去年三輔水災最甚

夏溽秋蒸有杜鵑

葉奇草木

子云至正十七年燕京子規啼引邵康節洛陽天津橋上語為戒今年八月十七日亦聞子規啼可異也

吾欲

拂衣從此隱公真解表迹超然僧窗盡日觀碁局龜息虛

堂自在眠

深杯初度醉流霞弟子高正侍絳紗大楷鉤銀書荔子

文作

書體勢與晚香堂帖相近

蘇文忠公有荔子丹書剛腸蟠鐵賦梅花鄭公晚戒餅

緘口韋曲家嗤戟列牙未作華陽挂冠隱方瞳九十沃丹



抄陶宏景以永初廿九年壬辰生

舉國萍浮若汎鳧誰論根本鞏黃圖願箴袞闕淮陽守欲  
繫強胡賈大夫要以廷爭酬造化敢云樸直乞江湖陰謀  
直使淮南寢此意平津會得無

讀公自壽琳琅什字字天心月脅穿顏介觀生家訓在北齊

顏黃門著步兵隱酒谷神全不須梨棗論丹訣何用蚍蜉

議輩年老去韋編惟學易丁甯金柅絕柔牽

黨論三君漢統存鸚籬稷下息啾喧羣瘖國有麟皮鼓百

越山知雁宕尊北海笑談仍隱几西園諧價刺多門酌公

精衛填餘水碧海傾翻入酒尊



戀闕耕桑只近郊看花杜曲野人邀碧駟誣欲刊前牒白

虎通成憶舊巢三徑黍雞權沔上四天花雨灑林梢

公宅在槐

樹斜街左枕長春禪寺

德星自照微明了待命蒼生萬物胞

元方兀兀古緬搜潔白青精侍太邱泝緝百金傳大藥蟬

媯一蕢障橫流侍中世直華光殿祕監重開文選樓南董

代興希有事珠光夜夜燭東甌

濮母林碩人挽詩

截髮留賓仰至仁登堂雞黍最情親多方成就孤兒學今

日同為失母人元晏表求書一麓豫章棉漬酒三巡冰霜

慘裂吾尤酷煖墨銘旌誄德新



壽譚仲修同年六十

刊盡浮名與客塵，禮堂安隱著書身。  
千年微學胡毋續，一

卷叢箋越絕新。

君晚年為董子繁露  
袁康越絕書作箋

竹杖嬾姍斟雉叟，荷

衣澹蕩解龜人。化書傳得雲孫大，獨抱遺經作素臣。

才華二十帝京篇，卻似平原入洛年。  
接迹風人賦，明月鉤

乍樂府動星躔。承師晚契皋間老，自序重裁述學編。  
剝落

皮膚見根柢，蘭苕翡翠已流傳。

作令人推李鳳臺，五權赤緊篠驂迴。  
晝披訟牒爭求判，夜

接詞人數舉杯。

君宰懷甯集方存之  
馮笠尉諸勝流觴咏精藍刻池上小集

調水裁供

山寺。笈題名淨掃石門苔，猶留韻事淮南麓。  
蹋雪班春摘



野梅

老作經師黃鵠磯。塾巾真息漢陰機。朱雲坐致鄴人敬白

石工評絳帖肥樽辨齊鐫。捫子尾書刊漢誤補公非新推

六學儒宮長聽講。咸如客得歸

南皮制府師鎮武昌新闢書院以六學課士辟君爲

學長

湖樓社飲景山鎗。歲月條如流電驚。身願爲雲逐東野公

真健筆繼西京。湛鱗長遣懷羈羽。織筵何當倚巨楹。欲致

酈潭千斛水。日餐秋菊養長生

聞伯希作西山之游

自駕冷風鞚玉螭。盡捐外物世真遺。雲旗山鬼思荒忽。菌



閣朝霞望陸離五嶽真形圖自寫千花危塔杖重鼓何緣  
共訪孫登嘯一理予言日出巵

憶山中太和潭精舍

前明俞莊襄公讀書處

幾重曲嶂青屏合一道寒泉碧鑑開異境仙靈移恍惚竹  
深雲擁讀書臺

杪秋兩度侍游觀山果羅生漆復丹路轉忽聞香沁鼻幽  
尋柏子麝銜殘

濯纓留宿懌嚴情一衲煎茶汲水清北客久違茶味美  
望雲惟有淚河傾

茲山潮汐應弦望海眼疑通漚達池久客無人供水遞干



巖紅葉鏤荒祠

潭中柳準月之盈虧爲消長如海潮然亦可異也

咏袁白燕

吾家白燕陽狂甚大海鰻魚不可尋  
信爾無心與物競縱教處陸也能湛

侍郎李仲約先生視學畿輔感時述事奉呈八章

久直三天侍

帝旁又持一節去巡方近來大筆推燕國  
寫定羣書闢鄭堂詞學宋科蒐玉海  
經師漢殿理珠囊歲星昨夜蒼精動  
合占南陲北際穰

惠陵詔罷建章營抗疏猶傳汲直聲

同治末公上疏諫止淀園工程旋乞病歸



旋入羅浮潔丹井卻從嶺嶠望春明雞林海客傳雄句鹿

洞諸生受壁經誰識湛冥高臥意北條一卷作箋成

公家居十

六年注元祕史攷求西北地名尤精博

再入修門還應

召風痹欲起待良工迴旋清切

慈恩大委備紆餘草制恩禁樞署推梁鵠擅穹碑石待李  
邕礮玉堂夜半聞鈴索清露霑衣月正中

頻繁英蕩大州持

妙簡黃圖士得師卻似蕭公試馮翊不同莊助去丹墀黃  
金燕士搜殊品白石神君剔斷碑盡發山川鼎彝出風流



還及阮公時

城西風日訪坡陀。宴坐曾陪石磴蘿。文字英華出任筆，笑談精鑒別虞戈。篆痕翦鋏嵌虛壁，隸勢崩雲倚靜柯。戲語千年搜筆訣，心期苦縣與光和。

元禮東京第一流，勁如竹箭出炎洲。賦才峭鹿千篇奏，辯囿凋龍萬物搜。新樂府成含風諫，續方言出采星輶。暫辭溫室三珠樹，夾袋奇材次第收。

馬昔江徙欲移沙，粟末河荒割棄賒。公自地形窮北戒，帝憂戎索問南車。籌邊誰發機牙早，餘技兼通形法家。待寫孤虛叩風后，藏春一集動幽遐。



洄洄世運尙艱難憑仗機衡厝治安物異頻看草木子活

人誰蓄竹根丹

葉奇草木子至正十九年燕京子規啼此南禽也今年夏亦聞子規聲

茂先

博物知龍鮓移刺安邊對角端卻望迴翔行

召入待參禁幄赤心殫

詩後又題一首奉寄

鬱曲輪囷氣闕雲誰明雪白與蘭薰雖然久滯移中監甚  
欲東求蒼海君中散幾堪疲翮鍛龍門迴向曝腮勤賞音  
物外長低首為報枯桐有裂紋

再咏虞功曹一首

摧殘竹箭不逢時骨相虞翻亦自疑死索青蠅為弔客生



如蝸甲搨枯枝真觀且飲三爻易浮世徐參一局棋卻戀  
泓崢老北海幾時花下倒千卮

賀藥翁得一子

門傍春明氣色新誌公抱送小騏驎公方執法蘭臺貴合

字臺卿漢逸人

趙岐以先世官御史臺日生故字之臺卿

奇氣他時隸少霞收身翁歷四溟槎涪皤老去應嘲汝著  
論還期照外家

南枝庾嶺春纔動

十月生

荔挺偏從朔氣生兼得山川雄秀

意上堂英物試啼聲

手摘仙官上界星教提戈印不曾停長成更與元暉印筆



力親來試甯馨

掖垣望月

月華如水地凝脂  
貝闕千層激豔移  
多少虬龍禁樹影  
疏枝一半浸冰池

看鷗波亭圖

不知萬頃莫釐西  
著此茅亭絕野蹊  
隔岸樹收虹外霽  
暝欄烟入鷺邊迷  
沖融似得濠觀趣  
蕭散疑留粉壁題  
如此溪山不歸去  
江南草長乳鶯啼

管道昇畫竹

烟影雲痕紙半癡  
興來信手掃千竿  
天機不待施鉤勒  
想



點霜毫倚石闌

亭亭物外明玕斂莫惹吾邱倒好嬉卻似散花天女手整  
斜濃淡總生姿

翦取瀟湘玉幾叢娟娟含雨復梳風分明章法真兼草得

筆還從松雪翁

文敏詩云石如飛白木  
如籀寫竹應從入法求

咏壞色古畫

繡池已全坼翻疑竹粉光烟霉幾點淡沙草出微茫禿樹  
松針隱危亭石色荒通靈見真放皴駁氣逾蒼

耳鳴

宛似定中坐忽聞鐘磬音原知病是幻

一作身  
是妄

且喜籟相



言續辛  
尋蟻任虛牀鬪鬻須社酒斟合將聲號叟應辦早抽簪

冬晴望北山

風卷沙霾晝易昏今晨披豁對雲根西來萬馬朝天闕

姚道

衍云昌平諸山勢如萬馬從天而下

北去盧龍鑠塞門那有金仙九節杖更

無玉女洗頭盆百年豪傑魚蝦盡奔湊醫閭一柱尊

吏舍西垣下老桑樹

禿樹尙拏雲飢雅噪不聞根蟠厚地坼霜入蘚皮鞞羽葆  
全彫落神龜莫便焚汝眞工閱世穴蟻日紛紛

碧城

瑤海冰稜不起瀾天風吹動碧城寒沙如雪淨鋪龍尾石



似芝青翳馬肝疑入瑠璃初地。澈安知磔硤眾星乾。浮查  
至竟無消息。獨倚河源盡處看。

上孝達督部師

驛使南來景氣佳。袖中札似折松釵。能迴元氣消疵癘。更

卜貞符翊泰階。已遣祥金工躍冶。

吾師方大開鄂中鐵官之利以資軍實

會

看浯石待銘厓。郢中小郡如堪乞。洗剔怡亭字半蕪。

題會稽王孝子髮冢銘石本後

代

君不見關中大儒李二曲。襄城五千國殤錄齒冢材官碧  
血。薶野祭長筵。足皴痂雲車風馬不暫停。歸祔母冢焚黃  
告。又不見會稽諸生王子詒。親病上章兩以身代之淚河。



枯盡繼以血卒殉魚腹從鴟夷賀監祠前風浪惡抱石自  
投神扶持已歸真宅留髮冢一夕忽茁齋房芝皇祇靈感  
良有以腐土照灼青葦蕤蓋屋生孝儒其門王君死孝至  
性存義命各安心所宅蘭枯玉碎皆親恩表章大筆豈所  
計員石爲伐蒼山根史官書之獨行傳要留一髮維乾坤  
山崩石爛至性長不滅娥江之上銀濤白馬來飛翻金支  
翠旗閃寒漉丹沙玉礫燭遠村青楓月出萬壑靜深宵草  
露光魂魂風梳木葉如紺髮文狸赤豹不敢捫婆婆娑迎神  
走父老傳芭擊鼓紛喧喧椒漿一勺醑祠下靈之徠兮破  
氛昏嗚呼髮膚支體良不敢毀傷孝子痛如負巨創死生



禍福豈暇擇風雷揃爪乃以湛身償觀其遺令志先定處  
寘家事何精詳士夫畏死今何限舉國飲泉瘖且狂君親  
豈容隔膜視坐恨圓者刑其方王君恥爲烟眎行束髮受  
書何慨慷有時甯受毀傷禍棄蔬立槁鮎埼陽嗚呼吾言  
匪無徵君不聞崇禎年中事可傷白雲庫下石齋老手書  
百本諫諍章大儒身教不絕殆如髮作詩刻石君冢旁千  
年落衣勿泐永相望

越人皆言王孝子歿而爲神

漳浦黃忠端公崇禎辛巳在獄中手寫孝經百二十本  
本皆有跋一本跋諫諍章有甯受毀傷之禍不避近名  
之嫌之語又一本跋云凡聖賢作此事原本心性與世



言經三  
上聲華織豪無涉其所以立教處雖毀傷支體駁落膚  
髮猶且爲之先生解經以意逆志如此今王君默疏乞  
代病父不效復以身殉母自湛江流蓋奉教於漳浦黃  
先生之遺言者矣

枯樹詩

老樹槎牙似散仙穿厓裂洞曲還拳空心任作狐狸窟疏  
影倒如龍象眠元氣蟠根猶不死祠官鑽火轉成妍耐寒  
待得春雷動怒放濃青石室巔

喜朱二屯田見過

簷鵲喧呼噪晚晴趁墟人散野烟生畸人破我逃空寂稚



子傳來掃徑迎文筆戲拈參茗打樵蘇忘爨對浣崢明朝  
廟集斜街近有約看花陌上行

歲暮上李端公

且須柱史隨方隱何必扁舟避地賢白石道人歌一曲暗  
香疏影石湖仙

蒼林君四十初度作詩示之

懷沙之逐臣乃始言初度我儀蔣山傭屏謝擊鮮具夙抱  
天倫酷殘形蛻孤露痛絕李中孚終身御純素是辰投野  
寺摧哽風林慕生我不得力神傷蓼莪句欲廢汝墳章周  
磐作計誤縣縣戴山曲杳杳青楓樹盂飯未躬親寒食霾



瘴霧幽翳三十年 慈顏夢中路留滯不歸山羈栖失故  
步因君初度日觸我鮮民苦

焦穀何有芽甘蕉豈云堅有如風中漚暫寄界內天色身  
本皆妄有漏日夜穿丈室椽天花飛著學人肩著處便成

縛終蛻如蠶蟬火急早修道天全神乃全妙得其中理形  
殼付唐捐何況浮漚聚擾擾去來緣電光石火中濁愛強

周旋苦縣與毗耶我欲游其間子儻勤參取坐破十年氈

欲求四智鏡滯相勿礪塼受之我慈母遺偈涕潛然

可璨以前

皆持楞伽黃梅五祖始持金剛經 先母徐恭人每遇朔  
望及家祭日掃地焚香持誦此經自有生以來數逾千徧

不孝祖

謹述



山中有苦筍歲久青成林江上百株梅繁花啁寒禽我家  
山水縣何異桃源潯薄宦久留滯山靈知我心招以紫芝  
曲遺之還山吟父老望我歸買田秀峯陰兒童望我歸授  
之座右箴約子黃箴舫謝去白玉簪老治五畝宅食費兩  
疏金勉晞萊子婦荷鍤春泥深我豈參軍陶棲川作淵湛  
又題六言

枯澹中含至味靜參物理虛盈何用酈潭菊水浮杯始得  
長生

新年試筆

壬辰

新歲在辰得未曾有瑞雪繽紛灑我林藪瑤林瓊樹照曜



言經三  
榮叟律谷萌牙虛明徹曠息之深深養之黝黝穰我來牟  
和甘滿缶擊壤歌呼東臯一斗烟籬綻梅風榭舒柳彩筆  
題饒春盤薦韭降祥產嘏直至鮐肴比復好先乾壯惡首  
隨時之義消息奇偶窮通知機臧否慎口苟非吾有一豪  
莫取編園吏集飲北叟酒泊乎黃庭內曖虛受優哉游哉  
純氣之守

早春鄉思

淑氣將催柳光風欲汎蘭猶餘臘尾雪併作歲初寒村酒  
攜柑子園租課橘官鄉心南望切草草強杯盤

戴仲若攜  
雙柑斗酒

聽鸚處在桐廬縣治  
西五里今名戴公山



第四歲日再過神武門托托小憩

未辦朝衫挂此門竹籬紙閣碧城根乍聞穿閘流冰響又

識依巖禁樹温華髮已無宮監語往見八十餘一老中涓能言咸豐中事已物故

矣碧紗難覓舊題痕陶公縱上辭官表還獻茅君臘酒樽

時猶未立春

懷朱鼎父時客授廣州

飄然一去瘴江邊身在羅浮盡處天殺馬毀車如昨日割

雞爲黍更何年無窮世事浮雲改萬里春心落日牽杜句春渚

日落夢相牽翠羽黃柑助高興幾時同泛木蘭船

卻從朔雪望炎陬海闊曾無檝與舟蕩蕩區中無一事冥



冥澤畔獨深憂  
花開朱鳥西臺樹  
雲起蒼梧古藥洲  
懷舊潛郎今白首  
忽然淚落不能收

寄雲門秦中因效其體

金天祠隱嶽蓮分遠  
訊疏麻總不聞  
勁句流傳如竹箭  
新詩變態入春雲  
康王渭曲多才調  
令長鄠田好策勳  
河水

東流爾西去有誰能賦李將軍

雨蒼晚境極牢落欲爲故李將軍行以張之僕才思

蹇澀久擱筆不能成君有雋才欲乞賦其事

寄屠梅君侍御晉中

洗耳投淵一笑休  
蕭條隱几復何求  
尋碑有興搜齊峪  
懷土無心返庾樓  
積塔霜紅雙屐徧  
晉祠水碧一瓢收  
支牀



聞道長息擾擾人閒看鬪牛

侍御耳疾已久

人日

老至逢人日衰遲怯物華  
一花開棐几雙鳥啄圓沙  
嬾病愁丹藥僮疲點乳茶  
且將詩遣興米汁市頻賒

漫興

居士不服水玉屑隨方差得天機全  
酒中投以赤松藥身病晚栖黃蘗  
禪細觀形骸亦外物無邊春色催華顛  
偶出南隣覓酒伴醉倒陌上花含煙

風定後

風定夜闌月上當窗竹影平分何異江鄉村落殘燈一穗



黃雲

戲贈黃山呂居士

灰河三里霧撥不開寒潭一片月招不來深怕睡虵四條

作崇又虞仙鼠兩箇頻催欲訪黃山道士門前寂寂蒼落

何物是安心法鑪中撥盡寒灰隱几翻成禪病

杜詩余亦師可璨身

猶縛禪寂

汨泥又滓靈臺憑君一掃千重障粟粒芽中起絃雷

由汝馬駒生足下雲蒸霧擁九天開倘能為我迂神足便

可隨方長聖胎

江西大寂禪師云若能了當此心乃可隨時著衣喫飯長養聖胎任運過時更有何

事曹溪之傳得馬祖而始昌故有由汝足下生一馬駒之預識

忽為退谷之游

在臥佛寺南



世樂終須破甕同蜀嚴那解辨窮通禽嬰野老疑年大雞  
卜村姑諛歲豐三萬日當游秉燭一絲風約釣收筒逃虛  
只合香山住退谷亭前竹叢

尋春

春人簇簇玉河頭舉袂風山去不休颯沓綠蕪攜彩伴翩  
躚粉蝶度銀溝簫聲吹徹雲軒下劍氣迴扶鹿躑遊中有  
飛霞佩誰識詩囊烟景一時收

示兒輩作文法

一指頭禪用不窮寓言節取渭南翁

莊雜篇又云一尺之  
捶日取其半用之不

窮水多洲島神迴合山有烟霞氣不同兵法善藏俄兔



詩經卷之五  
琴聲忽住指歸鴻應機妙得無機趣處處鑪錘出化

君立善相馬頗聞畜善馬十餘頭乃絕塵之品也作

詩調之

支公妙說逍遙論爛藻紛披瞻游刃莫笑房開青豆窮枳

籬芻料餒神駿壺頭新息可憐人薏苡成珠言孰信馬法

空懸鑄銅格壯心不逐寒灰燼太原公子晉陽騰鞭筆羣

雄氣雄峻石泐昭陵六玉虬肉驥猶辨烙時印古來豪俊

氣超然氣挾龍威兼虎震斥支公成潦倒

僧仲殊題晉四賢像云潦

倒支公窮骨會稽內史摧堅陣唐陵何有只平蕪人閒玉

盤盈代曠窮骨人嗤少道風戰場事去餘飛燐惟傳相馬



新息遺經出殘摺  
僕氏騎中謝氏髻  
精微鑒別窮  
分批汗溝歎薄驂  
驢血隅目晶熒怒  
燦運自言受法丁君  
都金馬門前署臣進  
天顏願之常色喜  
四極堪馳掃氛疾  
今君何處得此本  
辨析毫釐知岷嶺  
北皮亭外連荒漠  
草淺兔肥供疾趁  
燒痕獵騎轍冬枯  
泥融雪釋材官引  
臂韝

萃放海東青敕勒詩成筆花潤射雉俄牽三十頭從車旋

犒千觴酌歸鞍一點似流星不數鷓鴣子新羅迅

君嘗歸南皮雪霽打

圍此追述其事

何不喚取守邊門  
昆侖月窟招琛賫  
夕洗神兵魚

海赤朝銘厓石龍沙韻一候功成辭上賞拂衣歸  
道遙隱瞿硎山  
人無一事蕭然隱  
几無人問真成怯事少  
鴈



誰伴忘言言東郭順心地須收汗馬功勃窣道林還得善  
相由來恥舉肥戰勝靈臺真至慎妙得其神忘迹家竹批  
雙耳何勞認足下生駒蹋殺人迴旋試與重張鞞

菊潭行

桃源事乃避世隱君子之子孫耳半山詩避時不獨  
商山翁亦有桃源種桃者仍襲用陶詩黃綺之商山  
伊人亦云逝語最爲得解知此則退之可無疑於神

仙荒渺之說矣顧其地經諸名家題咏遂若人間異

出於表獨酈縣菊潭之名見於史志續漢志刻

荆州記無人爲作遂名字翳如此亦一桃源也



或為表而山之以疾

張其事姑先之拙句用

酈侯縣北

百俱服餌人家三十自成村世

為昏因不相棄不省何年種此花飲之一勺生無涯中壽

猶堪百二十那知海上棗如瓜生兒不遣鴻都學況向西

園買官爵春來融雪長烟苗秋至花開水方落顏駐丹沙

秋復春老翁往往抱雲孫朝耕原上田無稅夜沐松風不

閉門圍鑪親戚多情話品水點茶都不解掬水惟將木瘦

瓢煮甌同聽風雷噫楚客曾傳餐落英漢臣亦賜莖

何如藤瓦環洲生潭影花光一片明西園桂蠹花稀鉤



黨刊章吏謂詔世顯紛紛幾亂徵人言九事八爲律同時

惟有鹿門謂劉妻子晏然采芝朮由來不識吏催租念被南

陽令溷吾筒致月供三十石遂煩水遞應傳呼有名常苦

爲物役無名乃得含虛白伯始胡令我水滋稱名恥惹中

庸客記云太傅胡廣傳傳種奇花種失真過淮枳化笑癡

人從茲菊水無遺味多汲常嫌井水渾人間先竭是甘泉

莊叟之言然不然養就金精復何處地仙拔宅空雲烟我

欲別穿一渺沙幾年不潦旱不滓靈臺一片是毛源澄潭

萬古下

萬古下



溫州平陽府



溫州府圖書館